



0 1 2 3 4 5 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30



新編古今事文類聚後集卷之二十七

建安

祝穆

和父

編

金陵

唐富春

子和

刊

菓實部

栗

羣書要語陽可栗。山樞樹之榛栗。定之方中饋食之遼其實栗。

周禮

女贊不過榛栗棗修

左傳

燕秦于樹栗其人與于刀俟等

漢書

中山好栗

何晏論

東夷韓國出大栗如梨

魏志

榛栗錄

蜀都賦

詩句穫多栗過拳

杜

山家蒸栗暖

杜羅生雜

橡栗

杜採栗玄猿

事文類聚後集

卷之二十七

窟。常應物歲拾橡栗隨狙公杜園收。辛栗不全負。杜

古今事實

狙公賦粟。栗也見狙門

報以戰栗。見棗門

擲栗下都

宋劉秀之爲丹陽尹。先是秀之從叔穆之爲丹陽。與子弟廳事上宴廳事柱有丁穿。穆之謂曰。汝等試以栗遙擲柱入穿者必得此郡。唯秀之入焉。其言果驗。世說

兒不爭栗

王泰之幼敏悟。年數歲時。祖母散栗於床。群兒競之。泰獨不取。

問其故。對曰。不敢當。自得賜。由是中表異之。世說

栗綴於鼻

道人殷七七名文祥。能造遠巡酒。開頃刻花。嘗官僚召飲。取栗散於宦妓。皆聞異香。唯笑。七七者栗綴於鼻。不可脫。但聞臭。須臾狂舞。粉黛狼籍。共爲陳過。栗乃墜。續仙傳

古今文集

律詩

栗

老去自添腰脚病。山翁服栗舊傳方。客來爲說晨興晚。二咽徐收白玉漿。本草云。人有脚弱。啖栗數升。遂能起行。

橘 金橘 柑

根金附

事文類聚後集

卷之三十七

羣書要語淮海惟揚州厥包橘柚錫貢孔安國疏王小曰橘大曰
袖禹貢橘踰淮而北爲枳此地氣然也周禮蜀漢江陵千樹橘
其人與千戶侯等食貨志橘白華亦實皮馨香有味異物志南
方有橘酢正烈入牙時有甜耳魏文詔夫樹粗梨橘食之則美
噴之則香淮南子柚梨橘粗皆可於口也莊子斬伐橘柏列樹
苦桃離騷果之美者雲夢之柚呂氏春秋碧葉獨潤金衣更鮮
李德裕橘賦

詩句天寒橘柚垂杜山谷

莫遣兒童酸打盡要看

霜後十分黃山谷

金橘其實小如彈黃如金謂之金橘花果錄

詩句金衣非所恆沈休文珍重更過三十子不堪分付野人邊

陸龜蒙

柑真柑一名乳柑惟泥山爲取地不彌一里所產柑其大六七
寸圍皮薄而味珍脉不粘瓣食不留滓一顆之核繞一二間有
全無者韓彥直橘錄生枝柑鄉人以其耐久留之枝間俟其味
變耳帶葉而折故名生枝同上甘踰萍實冷亞冰壺梁劉孝儀
謝相

詩句白露溥柑子杜破柑霜落瓦杜

根根子木有刺香氣馥馥可以熏袖可以芼鮮可以漬蜜真佳
實也同上

詩句霜橙壓香橘杜

古今事實

事文類聚後集

卷之三

三

橘中之樂

巴丘人家有橘園。霜後橘盡收斂。有大橘如斗。益巴人異之。
剖開每橘有二叟。鬚眉皤然。耽耽紅明。皆相對象戲。談笑自若。
丁叟曰。橘中之樂不減商山。但不得深根固蒂。爲愚人摘下耳。
橘子錄詳見神仙門

帶十二實

平西將軍庾亮送橘十十二實共一帶。爲瑞異。群臣畢賀。

漢武故事

陸續年六歲。於九江見袁術。術出橘績懷三枚去。拜辭墮地。術謂曰。陸郎作賓客而懷橘乎。續跪答曰。欲歸遺母。術大奇之。

橘葉治病

蘇耽種橘鑿井。以救鄉里之有病者。以井泉眼一橘葉卽愈。

仙傳

羲之橘帖

王羲之帖云。奉橘三百枚。霜未降。未可多得。

賜群臣橘

唐蓬萊殿九月九日賜群臣橘。

金橘後出

金橘產於江西。以遠難致。都人初不識。明道景祐初。始與竹子俱至京師。竹子味酸。人不甚喜。後遂不至。而金橘香清美味。置之樽俎間。光彩的爍。如金彈丸。誠珍果也。都人初不甚貴。後因溫成皇后尤好食之。由是價重京師。余世家江西。見吉州人甚

借此果其欲久留著於菉豆中藏之可經時不變五橘性熱而豆性涼故能久也。歸田錄

柑缺一瓣以下係柑

明皇食柑凡千餘枚皆缺一瓣問進柑使者云中塗嘗有道士喚之蓋羅公遠也。開元遺事

廉不受柑

丹陽張磐爲廬江太守尋陽令嘗餉一奩甘其小男七歲就取一枚磬奪取付處卒以兩枚與之磬奪兒甘鞭卒。謝承後漢書

羲之柑帖

王羲之帖奉柑二百不能往

布裹相子

益州歲進甘子皆以紙裹之他時長吏嫌紙不敬代之細布既而恐甘子爲布所損每懷憂懼俄有御史甘子布至長吏以爲雅布裹甘子事懼曰果爲所推及子布到驛長吏叙以布裹甘子爲敬子布初不之知久而方悟聞者莫不大笑。唐新語

千頭木奴

李衡字叔平爲丹陽太守每欲治家妻輒不聽後密遣十人於武陵龍陽洲上作宅種柑千樹臨死敕兒曰汝母惡吾治家故窮如是吾州里有千頭木奴不責汝衣食歲止一定亦足用矣。及衡甘成歲得輸絹數千疋。襄陽記

甘果壞爛

王丞相儉帳下甘果盈溢春壞爛。郭子

東文類卷後集

卷之三十七

七

上元傳相見上元門

卷之三十七

五

古今文集

上元傳相見上元門

雜著

黃甘陸吉傳

蘇子瞻

黃甘陸吉者，楚之士高士也。黃隱於泥山，陸隱於蕭山。楚王聞甘名，遣使召之。陸吉先至，賜爵左庶長，封洞庭君，尊寵在群臣右。父之黃甘始來。一見拜溫尹平陽侯班，賜令尹。吉起隱士與甘齊名，入朝以尊貴用事。一旦吉位居上，甘心銜之。群臣皆疑之。會秦遣蘇軾鍾離意使楚，楚召燕章臺群臣皆與甘坐上坐。吉咄然謂之曰：請與子論事。甘曰：唯。吉曰：齊楚約西擊秦。吾引兵踰闕，身犯霜露，與和棘最下者同甘苦。率家奴千人戰，計

洲之上，拓地至漢南而歸。子功孰與甘？曰：不如也。曰：神農氏之有天下也，吾剝膚刻肝，怡頤下氣，以固帶之術獻上，上喜之。命記注官陶洪景狀其方略，以付國史。出爲九江守，宣平德澤，使童兒亦懷之。子牙孰與甘？曰：不如也。吉曰：是二者皆出吾下，而位吾上，何也？甘徐應之曰：君何見之晚也？每歲太守勸駕乘傳，入金門，上玉堂，與虞荔申張梅福輩嵩之徒列侍上前，使數予者口咷舌縮，不復上齒牙間。當此之時，屬之於子乎？屬之於我乎？吉默然良久，曰：屬之於子矣。甘曰：此吾所以居子之上也。於是群臣皆伏。歲終，吉以疾免，更封甘子爲穰侯。吉之子爲下邳侯，穰侯遂廢不顯。下邳以美湯藥官至陳謝治中。

太史公曰：田文論相，吳起說相，如回車廉頗屈姪何弊衣尹姬

悔甘吉亦然。傳曰：女無好惡，入官見姦。士無賢不肖，入朝見嫉。此之謂也。雖美惡之相違，嗜好之不齊，亦可勝道哉。

橘頌

屈原

后皇嘉樹橘彌服兮。受命不遷生南國兮。深固難徙更壹志兮。
綠葉素榮紛其可喜兮。增髮剡棘圓果博兮。精璜羅操文章爛兮。
分精色內白類性道兮。紛緼宜脩姱而不醜兮。

古詩

病橘

杜甫

群橘小生意，雖多亦奚爲。惜哉結實小，酸澀如棠梨。剖之盡蠹
蝕，採掇爽所宜。紛然不適口，豈止存其皮。蕭蕭半死葉，勿忽別
故枝。及霜雪積，况乃同風吹。嘗聞蓬萊殿，羅列瀟湘姿。此物

歲不稔，王食失光輝。寇盜尚憑陵，當君減膳時。汝病是天意，吾
意罪有司。憶昔南海使，奔騰獻荔支。百馬死山谷，到今耆舊悲。
律詩

故人重九日求橘戲贈

韋應物

憐君病復思新橘，始摘猶酸亦未黃。書後欲題三百顆，洞庭猶待滿林霜。

田園雜興

范至能

新霜徹曉報秋深，染盡青林作纈林。惟有橘園風景異，碧叢裏萬黃金。

和賜後苑金橘

李邦直

苑臣初摘置瑣盤，口勑宣恩賜近官。氣味豈同淮枳，变皮膚不

作楚梅酸參差翠葉藏珠琲錯落黃金鑄彈丸安得一株擎雨露畫圖傳與世人看

歐陽從道許寄金橘以詩督之

黃魯直

從道參禪有言向來頗聞數從歌舞飲故及之
禪客入秋無氣息想依紅袖醉瑤璫霜枝搖落黃金彈許送筠籠殊未來

雜著以下係拙

謝湘東王齋宜啓

梁庚肩吾

名傳地理遠自武陵之淵族茂神經遙聞建春之嶺王逸爲賦取對荔支張衡製辭用連石審足使萍實非甜葡萄猶餉王羲之與諸子遊觀有丁味甘割而分之以娛目前云云

律詩

甘雨

杜甫

春日清江岸千畝二貞田青雲著葉密白雪避花繁結子隨邊使開筒近至尊後於桃李熟終得獻金門

柳州城北種柑

柳宗元

手種黃柑三百株春來新葉徧城隅方同楚客憐臘樹不學荆州利木奴幾歲開花聞噴雪何人摘實見垂珠若教坐待成林後滋味還堪養老夫

食柑

蘇子瞻

丁雙羅帕未分珍故事賜近臣黃柑以黃羅帕包之林下先嘗愧逐臣露葉霜枝剪寒碧金盤玉指破芳辛清泉蔌蔌先流茵香霧霏霏欲噀

卷之三十一
人坐客慇懃爲收子干奴丁掬爲吾貧

張子以十係張

歐陽永叔

嘉樹團團俯可攀。壓枝秋實漸爛班。朱攔碧瓦清霜曉。粲粲繁星綠葉間。

贈景文

蘇子瞻

荷盡已無擎雨蓋。菊殘猶有傲霜枝。一年好景君須記。正是楨黃橘綠時。

根

劉彥冲

楨橘甘酸各效能。南匏錫貢不同升。果中亦抱遺才嘆。看客攀條氣拂膺。

食楨寄謝舍人

梅聖俞

洞庭朱橘未弄色。襄水錦楨多已黃。玉白檮然憐鮑美。金盤按酒助杯香。雖生南土名猶重。未信中州客厭嘗。欲寄百苞憑驛去。只應佳味怯風霜。

枇杷

羣書要語枇杷冬華實黃大如雞子小者如杏味甜酢廣志盧橘夏熟或云卽枇杷上林賦

詩句枇杷樹樹香杜蘆橘楊梅次第新坡

古今事實

周祇植庭

周祇云枇杷寒暑無變負雪楊華余植之庭園枇杷賦事

律詩

枇杷

楊廷秀

太葉聳長耳，
梢堪蒲盤荔支分與核。
金橘却無酸雨壓低枝。
重漿流冰齒寒。

米去聲長卿今在否，
莫遣作園官。

批杷

劉彥冲

萬斛金丸作樹稠，遺根漢苑識風流。
也知不作清朝瑞朽腐聊關聖主憂。

楊梅

羣書要語楊梅其子大如彈丸正赤五月中秋熟時似梅子味

甜酸

臨上海異物志

古今文集

此楊家果

楊氏子年九歲孔君平詣其父設果有楊梅孔指示兒曰此實君家果兒應聲答曰未聞孔雀是孔子家禽

律詩

楊梅

可正平

五月楊梅已滿林，初疑一價千金味。
方河朔蒲桃重色比瀘南荔枝深飛艇似聞新入貢。
登盤不見舊供吟詩成一寄山中友，恐解樓頭愛渴心。

古今文集

卷之三十七

謝紹興帥丘宗卿惠楊李二首

楊廷秀

梅出稽山世少双情知風味勝他楊玉肌半醉生紅粟蠶暈殼
深染紫囊火齊堆盤珠徑寸醴泉繞齒柘爲漿故人解寄吾家
果未鑿蓬萊閣下香

又

越絕諸楊盛一時與儂瓜葛不曾知一夫自笑吾衰矣此客何
從慶見之也解過江尋德祖政緣作尹是丘遲渠伊不是南朴
汎末免先驅事荔支

蔗 糖霜附

羣書要語諸蔗也古說文甘蔗交趾所生者圍數寸長丈餘異物

志甘蔗其芻爲石蜜廣志挫斯蔗而療渴若漱體而含蜜蜜張懷
族賦都蔗雖甘杖之必折巧言雖美用之必滅曹植論膳飮炮
羔有柘漿楚辭

詩句百味良酒布蘭生奉尊柘漿折朝醒漢郊祀歌

古今事實

漸入佳境

顧凱之爲虎頭將軍每啖蔗自尾至末人或問之曰漸入佳境

鼠矢汗鴻見譏謗門

始創糖霜係糖霜

唐太曆間有僧號鄒和尚不知所從來跨白驥登繖山結茅以
居須鹽米薪菜之屬卽書于紙繫錢袋遺驢負至市區人知爲

事文類聚後集

卷之三

十一

鄒也取平直掛物于鞍縱驥歸。一日驥犯山下黃氏者薦苦黃
請償於鄒鄒曰汝未知因蔗糖爲霜利當十倍吾豈受寒責可
乎試之果信自是流傳其法鄒未年北走通泉縣靈龜島山峯龍中
其徒追及之但見一文殊石像始知大士化身而白驥者獅子
也王灼譜

古今文集

雜著

燕坐南方

甘庶只生於南方北人嘗之而不可得魏太武至彭城遣人於
武陵王處求酒及甘庶郭汾陽在汾上代宗賜甘庶二十條子
盧賦所云諸柘也且諸柘者甘庶也蓋相如指言楚雲棗之物

漢郊祀歌泰尊柘漿亦謂取甘庶以爲飲谷梁隨筆

古詩

賦得甘庶以上李爲韻

舒信道灋

瑤池宴罷王舟還九芝飛久三仙山空餘絳節留人間雲封露
洗無時閑節旄落盡何欄班野翁提携出茅營吳刀戛戛鳴双
環截斷寒冰何潺潺相如賦就空上林卷遊渴病長相侵劉伶
愛酒真荒淫狂來欲倒倉溟深此時一爵輕千金壚邊何用文
君琴五十石安足再坐想毛髮生青陰蕭瑟甘滋欲誰讓粗
梨橘抽紛殊狀冷氣相射盃盤上顧郎不見休惆悵佳境到籟
還不妄詩成雖愧陽春唱全勝乞與將軍杖

雜著以下係糖霜

糖霜譜

糖霜之名唐以前無所見。自古食蜜者始爲蜜漿。宋主招魂所謂臘蜜也。有柘漿是也。其後爲蜜餳。孫亮使黃門就中藏吏取交州所獻甘蔗_方餳是也。後又爲石蜜。南中八郡志云窄甘蔗汁曝成飲謂之石蜜。本草亦云煉糖和乳爲石蜜是也。後又爲蔗酒。唐赤土國用甘蔗作酒。雜以紫瓜根是也。唐太宗遣使至摩竭陀國取熬糖法。卽詔楊州上諸蔗榨瀋如其劑。色味愈於西城。遠甚。然只是今之砂糖。蔗之技盡於此。不言作霜。然則糖霜非古也。歷世詩人摸竒寫異。亦無一章一句言之。惟東坡公過金山寺作詩送遂寧僧圓寶云。涪江與中冷共此一味水。永盤薦琥珀何似糖霜美。黃魯直在戎州作頌答梓州雍熙長老。

寄糖霜云。遠寄度霜知。有味勝於崔子。水晶鹽正宗。掃地從誰說。我舌猶能及鼻尖。則遂寧糖霜見於文字者實始二公。甘蔗所在皆植。獨福唐四明番禺廣漢遂寧有糖水而遂寧爲冠。四郡所產甚微。而顆碎色淺味薄。纔比遂之最下者。亦皆起於近世。唐大曆中。有鄒和尚者。始來小溪之繖山教民黃氏。以造霜之法。繖山在縣北二十里。山前後爲蔗田。戶十之四糖霜。戶十之三蔗有四色曰杜蔗。曰西蔗。曰芳蔗。本草所謂恭蔗也。曰紅蔗。本草所謂崑崙蔗也。紅蔗止堪生。取芳蔗可作砂糖。西蔗可作霜。色淡土不甚貴。杜蔗綠嫩味極厚。專用作霜。凡蔗最因地力。今年爲蔗田者。明年改種五穀。以息之。霜戶器用。曰蔗削。曰蔗鎌。曰蔗凳。曰蔗碾。曰榨斗。曰漆甕。各有制度。凡霜一甕中品。

色亦自不同。堆疊如假山者爲上。圍枝次之。甕鑑次之。小顆塊次之。沙脚爲下。紫爲上。深琥珀次之。淺黃又次之。淺白爲下。宜和初王黼創應奉司。遂寧常貢外歲別進數千斤。是時所產益奇。牆壁或方寸。應奉司罷。乃不再見。當時因之。大擾敗本業者居半。久而未復。遂寧王灼作糖霜譜七篇。具載其說。予采取之。以廣聞見。附食脣隨筆

律詩

糖霜

楊廷秀

亦非崖蜜。亦非餾青。大吹霜凍。作冰透骨。清寒輕著齒齶。成人跡。板橋聲。

橄欖

餘甘附

羣書要語。橄欖子大如棗。十月華。八九月熟。生食味酢。密藏乃甜美。南州草木狀。橄欖樹身聳枝皆高數尺。其子深秋方熟。閩中尤重。其味云咀之香。口勝含雞舌香。生啖及煮食。悉解酒毒。有野生者。子繁樹峻。不可梯緣。但刻其根下方寸許。內塗於其中。一夕子皆自落。領表與錄

餘甘子。梭形。初入口舌遊酸。飲水乃甘。又如梅實。兩頭銳。

異物志

古今事實闕

古詩

事文類聚後集

卷之二十一

十四

歐陽永叔
欒欞

聖人集

十四

五行居四時。維火盛。南訛炎。焦陵木氣。
欒欞得之多。酸苦不相入。初爭夕方和。
霜苞入中州。萬里來江波。幸登君子席。得與衆果羅。
九月中州衆果佳。珠圓玉光瑳。媿茲微陋質。以遠不覓。
河餉飴兒女。甜遺味久則那。良藥不甘口。厥功見沉疴。
忠言初厭之事至悔。若何世已無採詩。詩成爲君歌。

劉貢父
欒欞

南珍富奇異。疇昔頗窮鑿。夷荒不書傳。從古陋鉢槧。
苟封走中土。天序異離坎。有香已變襄。有色多黯黯。
今君此堂上。真物惟欒欞。青膚鏤瓊瑩。翠顆森雨霰。
苦爲幽人正。久見君子淡甘壤。彼包羞日新此剖敢。
清泉薦芳茗。氣味獨潛感。涕洟瀆煩醒。茶

除望玄覽靈均採時菊。西伯嘯高歌廟鼎實。調梅壯士仍嘗
由來超俗好。諸絕不言慘殷勤。謝凡口。薤白空三敢。

王元之
欒欞

江東多果實。欒欞稱珍奇。北人將就酒。食之先翫眉。
皮核苦且澀。歷口復棄遺。良久有迴味。始覺甘如飴。我今何所喻。喻彼忠
臣難。直道逆君耳。斥退投天涯。世亂思其言。
ヲカタ噬臍焉能追。寄語採詩者。無輕欒欞詞。

律詩

蘇子瞻
欒欞

紛紛青子落紅盤。正味森森苦且嚴。待得微甘同齒頰。已輸崖
蜜十分甜。

古詩 係餘柑

餘柑

劉彥冲

炎方橄欖佳。餘柑豈苗裔。風姿雖小殊氣韻。乃醜似驛頽澁。吻
餘髮鬚清甘至。侯門收寸長。粉骨成珍劑。猶聞雜蜜蠶。少轉森
嚴味奇才用不專。雖用何殊棄。端如效苦言。逆耳多嫌忌。弃渠
事何傷。遠言德之累。悅口易逢知。感茲餐。長喟。

衆菓

羣書要語

闕

古文集

闕

王文安

古詩

梅聖俞寄銀杏

歐陽永叔

鵝毛贈千里。所重以其火。鵝腳雖百箇。得之誠可珍。予聞得之
誰。詩老遠且貧。霜野橘林實。京師寄時新。封包雖甚微。採掇皆
躬親。物貴以入貴。人賢弃而淪。開緘重嗟惜。詩以報。慇懃。

和聖俞鵝脚子

歐陽永叔

鵝腳生江南。名實本相浮。絳囊因入貢。銀杏貴中州。致遠有餘
力。好奇自賢侯。因令江上根。結實夷門秋。始摘纔三四。全奩獻
疑旒。公卿不及識。天子百金酬。歲久子漸多。纍纍枝上稠。主人
名好客。贈我比珠投。搏望昔所徙。蒲萄安石榴。想其初來時。厥
價與此侔。今已徧中國。離根及墻頭。物性久雖在。人情逐時流。

雅當記其始後世知來由是亦史官法。豈徒續君謳。

永叔內翰遺李大博家新生鴨脚梅聖俞

北人見鴨腳南人見胡桃識內不識外疑若橡栗韜鴨腳類綠李其名因葉高吾鄉宣城郡多以此爲勞種樹三十年結子防山猿剥核手無膚持置官省曹。今喜生者下薦酒壓葡萄初聞帝苑夸又復主第衰纍纍誰採掇玉枕上金鰐金鰐文草宗分贈我已叨豈無異鄉感此微物遭一世走塵土鬢頭得霜毛

古詩係榧子

送鄭戶曹賦席上果得榧子

蘇子瞻

彼美玉山菓粲爲金盤實。瘴霧脫蠻溪清尊奉佳客客行何以贈一語當加璧。祝君如此果德膏以自澤驅禳三彭仇已我心

腹疾願君如此木稟凜傲霜雪斲爲君倚几爭滑不容削物微興不淺此贈毋輕擲

新編古今事文類聚後集卷之二十七終

事文類聚後集

卷之二十七

十八終

新編古今事文類聚後集卷之二十八

建安 祝穆 和父 編
建業 唐富春 子和 梓

花卉部

梅花

墨書要語 木庾嶺上梅花。南枝已落，北枝方開。寒暖之候異也。
坡詩註 上林苑有紫帶梅，胭脂梅。西京雜記

詩句 巡詹索共稱花笑。於藥踈枝半不禁。杜喜舍弟赴藍田江頭千樹眷欲暗竹外一枝斜更好。坡藥訏粉綃裁太碎。蠶疑紅蠟綴初乾。林和靜

古今事實

飲梅花下

隋開皇中。趙師雄遷羅浮。一日天寒。日暮於松林間酒肆旁舍。見美人淡粧素服出迎。時已昏黑。殘雪未消。月色微明。師雄與語。言極清麗。芳香襲人。因與之扣酒家門。共飲少頃。一綠衣童子。笑歌戲舞。師雄醉寐。但覺風寒相襲。久之東方已白。起視。太梅花樹上有翠羽刺嘈。相顧。月落參橫。但惆悵而已。龍威錄

作梅花賦

宋虞平爲相。貞姿勁質。剛熊毅狀。疑其鐵腸石心。不解其婉媚。辭然觀其文。而有梅花賦。清便富艷。得南朝徐庾體。殊不類其爲人。皮白休桃花賦序

古今集

雜著

梅譜

并序

范至能

梅天下尤物。無間智愚賢不肖。莫敢有異議。學圃之士。必先種梅。且不厭多。他花有無多少。皆不繫重輕。余於石湖至雲坡。既。有梅數百本。比年又於金南買王氏。僦舍七十楹。盡折除之。治爲沈材。以其地三分之一。與梅。吳下我梅特盛。其品不一。今始盡得之。隨所得爲之譜。以遺好事者。

江梅遺核野生。不經裁接者。又名直脚梅。凡山間水濱。荒寒迥絕處。皆此本也。花稍小而踈瘦。有韻香。最清實水而硬。早梅冬至前已開。故得早名。要非風土之正。杜子美云。梅葉臘

煎破梅。花年後多。惟冬春之交。正寔是花時耳。

消梅其實圓小。鬆脆多液。無滓。多液則不耐日乾。故不入煎造亦不宜熟。惟堪清啜。

古梅其枝樛曲萬狀。蒼蘚鱗皴。封滿死身。又有苔鬚垂於枝間。或長數寸。風颺綠絲飄飄可玩。去成都二十里有臥梅偃蹇十餘丈。相傳唐物也。清江酒家有大梅如數間屋。可羅坐數十人。余平生見梅奇古。惟此兩處。

重葉梅花頭甚豐。葉重數層。盛開如小白蓮。梅中之奇品。花房獨出而結實多雙。尤爲瑰異。

綠萼梅。凡梅花跗蒂皆絳紫色。惟此純綠枝梗亦青。好事者比之仙人萼綠華。京師艮嶽有萼綠華堂。其下專植此本。

百葉綿梅。丁名千葉香梅花。小而密。

紅梅粉紅色。標格猶是梅。而繁密。則如杏。香亦類杏。詩人有北人全不識。渾作杏花看之句。與江梅同開。紅白相映。園林初春絕景也。梅聖俞詩云。認桃無綠葉。辨杏有青枝。當時以爲著題。東坡詩云。老不知梅格。在更看綠葉。與青枝。益謂其不韻爲紅梅解。朝云。承平時此花獨盛於姑蘇。晏光獻公始移梅西園圃中。一日貴游賂園吏。得一枝分授。因是都下有二本。嘗與客飲花下。賦詩云。若更開遲三二月。北人應作杏花看。客曰。公詩固佳。徒北俗向淺耶。晏笑曰。僕父安得不然。玉琪君王時守吳郡。聞益花種事。以詩遺公。曰。館娃宮北發精神。粉瘦瓊寒露葉新。圓與無端偷折去。鳳城從此有雙身。

當時罕得如此。此年不可勝數矣。世傳吳下紅梅詩甚多。惟左子適一篇絕唱。有紫府與丹來換骨。春風吹酒上疑枝之句。

鴛鴦梅多葉紅梅也。凡雙果必並蒂。惟此一蒂而結雙梅。杏梅花比紅梅色微淡。結實甚富。有爛斑色全似杏味不及紅梅耳。

蠟梅本非梅類。以其與梅同時。香又相近。色酷似蜜脾。故名蠟梅。凡二種。以子種出。不經接花。小香淡。其品最下。俗謂之狗蠟梅。經接花。疎雖盛開。花常半含。名磬口梅。言似僧磬之口也。最先開。色深黃如紫檀。花密。香濃。名檀香梅。此品最佳。蠟梅香極清芳。殆過梅香。初不以形狀貴也。故難題詠。山谷簡

齊徂作五言小詩而已。此花多宿葉結實。如垂鈴尖長寸餘。又如大如奴子在其中。

後序

范至能

梅以韻勝。以爲高故。以橫斜疎瘦。與老枝奇恠者爲貴。其新接稊木。一歲抽條。挨直上。或三四尺。如酴醿薔薇輩者。吳下謂之氣條。此直宜聚。夫規利無所謂韻與格矣。又有十種。蕡壤力勝者。於條上。且短橫枝。狀如棘針。花密。綴之亦非高品。近世始畫墨梅。江西有楊補之者。尤有名。其徒倣之者。實繁。觀楊氏畫。未略皆氣條耳。雖筆法奇峭。去梅實遠。惟康宣仲所作。差有風致。世鮮有評之者。余故附之譜後。

洮湖和梅詩序

楊廷秀

梅之肇於炎帝之經著於說命之書召南之詩然以滋不以象以實不以華也豈古之人皆質而不尚其華歟然花如桃李顏如舜華不尚華哉而獨遺梅之華何也至楚之驛人飲芳而食菲佩馨而服葩藻盡掇天下之香置嘉木以苾芬其幽艸而金玉其言語文真益遠取於江離杜若而近捨梅豈偶遺之歟抑亦梅之未遭歟南北諸子如陰铿何遜蘇子卿詩人之風流至此極矣梅於覽時始一日以花聞天下及唐之李杜李朝之蘇黃崛起于載之下而蘭籍于載之上遂主風月花草之夏盟而於其間首出桃李蘭蕙而居客之左蓋梅之有遭未有盛於此賤者也然色彌章因彌晦花彌利實彌鈍也梅之初服豈端使之然哉前之遺令之遭其信然歟吾爰洮湖陳晞顥蓋造次必

於梅賴沛必於梅者也嘉愛之不足而吟咏之不足則畫取古人賦梅之作而廢和之寄一編以遺予曰從古此詩已八百篇矣不盈千篇吾未止也予讀之而驚曰一何豐耶豐而不奇則亦長耳一何奇耶予嘗愛陰铿詩云花舒雪尚飄照日不復銷蘇子卿云抵言花是雪不悟有香來唐人崔道融云香中別有韵清極不知寒是二家者豈良疎影橫斜之句哉今晞顥之詩同梅而清清在梅前同梅而馨馨在梅外其於二家所謂未聞以千里授人也或謂物耄則妖興梅亦有妖晞顥此詩非晞顥語也梅之妖憑晞顥而語也或曰非彼遺此乎爾繄此卽彼乎爾夫語在聖門所諱予又烏知工說之然不殆哉因僕畫之楊某序

老梅屏贊

洪景盧

嶧嶧突兀茹鐵爲骨粟然米姿氣厭羣木近似則然孰知其真
儲萬斛香先天下春

古詩

蚤梅

梁何遜

兔園標物序驚時最是梅。微霜當路發映雪擬寒開枝橫却自觀花繞凌風臺朝灑長門泣夕驅暗却益應知蚤飄落故逐上春來。

十月見梅

唐子西

桃花能紅李能白春深何處無春色不應尚有一枝梅可是東君苦留客向來開處當嚴冬百卉未白紅未紅祇今已是丈人

行勿與年少爭春風

十一月二十日松風亭下梅花盛開

蘇子瞻

春風嶺上淮南村昔年梅花曾斷窓豈知流落復相見蠻風蜃雨愁黃昏長條半落荔支浦卧樹獨秀桄榔園豈惟幽光畱夜色直恐冷艷排多溫松風亭下荆棘裏兩株玉葉明朝瞰海南仙雲嬌墮初月下縞衣來叩門酒醒夢覺起繞樹妙意有在終無言先生獨飲勿歎息幸有落月窺清樽

再用前韻

蘇子瞻

羅浮山下梅花村玉雪爲骨冰爲魂紛紛初疑月掛樹耿耿獨與參橫昏先生索居江海上情如病鶴栖荒園天香國艷背相

頤知我酒熟詩清溫蓬萊宮中花鳥使綠衣倒掛扶桑轍抱叢
窺我方醉卧故遣啄木先敲門麻姑過君急洒埽鳥能歌舞花
能言酒醒人散山寂寂唯有落葉粘空欄

花落復次韻

蘇子瞻

玉妃滴墮烟雨村先生作詩與招寃人間花木非我對奔月偶
桂成幽昏暗香入戶尋短夢青子綴枝畱小園披衣連夜喚客
飲雪膚蒲地聊相溫松明照坐愁不眠井花入腹清而暇先生
年來六十化道眼已入不二門多情好事餘習氣惜花未忍都
無言留連一物吾過矣笑領百罰空罍樽

和李伯玉用東坡韻賦梅花

朱元晦

北風日白霾江村歸夢正爾勞營竟忽聞梅葉臘前破楚客不

愛蘭佩昏尋幽僅識此堂古杖杖偶集僧家園嵐陰春物未全
到邂逅只有南枝溫冷光自照眼色東雪艷未却扶桑殿遙知
雲臺溪上路玉樹十里藏山門自憐塵囬不得去坐想佳處知
難言但哦君詩慰岑寂已似共倒花前樽

與詎人用東坡韻共賦梅適得元履書有懷其人因

復賦此以寄意焉

朱元晦

羅浮山下蕙茅村蘇仙仙去餘詩魂梅花自入三疊曲至今不
受蠶烟昏佳名一旦異凡木絕艷千古高名園却憐水質不自
暖誰有步障難爲溫蓋同桃李媚春色敢與蕊瓣爭朝暾歸來
只有移竹伴寂歷自掩踈籬門自知真意還在未覺浩氣終
難言一林勸汝吾不淺要汝共保山林樽

朱元晦

用和東坡惠州梅花韻

江梅欲破江南村。無人解與招。方塊烟雲爲斷蜂蝶信。東南難洗烟塵昏。天憐絕艷世無匹。故遣寂寞依山園。自欣差笛嬌夜永。未要鄒律回。春溫連焰窓。窓水墮殘月。的皪立露晞。晨暉海山清游記。下面衰病此日空柴門。相逢不敢詰。疇昔能賦。豈必皆成言。雕礪肝腎竟何益。况復制酒哦空樽。

古梅

湘妃危立凍蛟背。海角冷掛珊瑚枝。醜恠驚人能嫋媚。斷霓只有曉寒知。百年蘚著枯樹上。雨點春供老枝絕壁笛聲那。得到直愁斜日凍蠅知。

律詩

蕭東之

陸凱與范曄相善。自江南寄梅花一枝。詣長安與時贈詩曰。

折梅

送驛使寄與嶺頭人。江南無所有。聊贈一枝春。

絕句

墻角數枝梅。凌寒特地開。遙知不是雪。爲有暗香來。

江梅

江梅且緩飛。前輩有歌詞。莫惜黃金縷。難忘白雲枝。吟者歸不得。醉臥立如癡。但用和烟折。含情寄所思。

登梅

萬木凍欲折。孤根暖獨回。前村深雪裏。昨夜一枝開。風遞幽香去。禽窺素豔來。明年還應集。先發映春臺。

江文貞公集

江梅

杜甫

梅蕊臘前破。梅花春後多絕。知春意蚤最。奈愁何。雪樹元同色。江風亦自波。故園不可見。巫岫鬱嵯峨。

春女怨

薛維翰

白玉堂前一樹梅。今朝忽見數枝開。兒家門戶重重閉。春色因何得入來。

梅

戎昱

一樹寒梅白玉條。迥臨村路傍溪橋。不知近水花先發。疑是經春雪未消。

竹裏梅

劉言史

竹與梅花相並枝。梅花正發竹枝垂。風吹忽向竹枝上。直似王

家雪下時

次韻王公濟梅花

蘇子瞻

梅梢春色弄微和。和作意南枝剪刻。月黑林間逢縞袂。霸陵醉尉誤誰何。

又

月地雲堦漫一樽。玉奴終不負東昏。臨春結綺荒荆棘。誰信幽香是返魂。

又

水盤未薦含酸子。雪嶺先看耐東枝。應笑春風木芍藥。牡丹豐肌均骨要人醫。

又

皎綃剪碎玉簪輕。檀暈粧成雪月明。肯伴老人春丁醉。懸知欲落更多情。

又

縞裙練悅玉川家。肝膽清新冷不邪。穠李爭春猶辨此。更教踏雪看梅花。

又

天教桃李作輿臺故遣寒梅第一開。憑仗幽人收艾納。見香門

國香和雨入蒼苔。

又

春入西湖到處花。裙腰芳草傍山斜。盈盈解珮臨湘浦脉脉當

壘傍酒家。

又

莫向霜晨怨未開。白頭朝夕自相催。斬新一朵含風露。恰似西廂待月來。

又

洗盡鉛華見雪肌。要將真色鬪生枝。檀心已作龍涎吐。玉頰何勞獮體。

又

和張規臣水墨梅五絕見畫門

杜甫

東閣官梅動詩興。還如何遙在揚州。此時對雪遙相憶。送客逢春可自由。幸不折來傷歲暮。石爲君去亂鄉愁。江邊丁樹垂垂。

發朝夕催人自白頭。

岸梅

崔魯

含情含態下枝枝。斜壓漁家短短籬。惹袖尚憐香半日。向人如訴雨多時。初開偏稱雕染畫。未落先愁玉笛吹。行客見來無去意。解帆烟浦爲題詩。

梅花

韓偓

梅花不肯傍春光。自向深冬看艷陽。龍笛遠吹胡地月。燕釵初試漢宮粧。風雖強暴翻添思。雪欲侵凌更助香。應笑暫時桃李樹。盜天和氣作年芳。

山園小梅

林君復

衆芳搖落獨暄妍。占盡風情向小園。疎影橫斜水清淺。暗香浮

勸月翦昏霜禽欲下。先偷眼粉蝶如知合斷魂。幸有微吟可相狎。不須檀板共金樽。

王君晉卿嘗云和靜踈影暗香之句。否與桃李皆可用也。蘇子瞻云可則可但恐杏花桃李不敢承當耳。

梅花

林君復

吟懷長恨百花時爲見梅花。輒入詩。雪後園林唯半樹。水邊籬落忽橫枝。人憐紅艷多應俗。天與清香似有私。堪笑胡離亦風味。醉將聲調角中吹。

與微之同賦梅花得香字

王介甫

漢宮嬌額半塗黃。粉色凌寒透薄裝。好借月兒來映燭。恐隨春夢去飛揚。風亭把盞酌孤艷。羣徑回輿認暗香。不爲調羹應結。

事文類聚卷之二十一

卷之二十一

十一

予直須留此占年芳

又

結子非貪蟲偶。當偶先紅杏。占年芳。從教臘雪埋藏得。却恐春風漏泄香不御。鉛華知國色。祇栽雲縷想仙裝。少陵爲爾牽詩興。可是無心賦海棠。

又

淺淺池塘短短牆。年年爲爾惜流芳。尚入自有無言意。領國天教抵死香鬚裏。黃金危欲墮。華團紅蠟巧能裝。嬋娟一種如冰雪。依倚春風笑野棠。

次韻徐中先詠梅

王介甫

溪杏山桃欲占新。亭梅放葉尚嬌春。額黃映日明飛燕。肌粉含

風冷太真玉笛悲涼吹易散。永紈生澁畫難親。爭妍喜有君詩在。老我翛然敢效顰。

詩話

評月落參橫

今人梅花詩詞多用參橫字。蓋出柳子厚龍城錄所載趙師雄事。然此實妄書。或以爲劉蕡所作。其語云東方已白。月落參橫。且以爻半視之。昔昏時參已見。至于夜則西沒矣。安得將旦而橫平。秦少游詩。月落參橫畫角哀。暗香浮盡令人老。承此誤也。唯東坡云。紛紛初疑月挂樹。耿耿獨與參橫對。乃爲精當。老杜有城掩朝來客。天橫醉後參之句。以全篇攷之。蓋初秋作也。容齋隨筆。

評和靜梅詩

歐陽文忠公極賞林和靜梅詩云。踠影橫斜水清淺。暗香浮動月黃昏之句。而不知和靜別有詠梅一聯云。雪後園林纔半樹。水邊籬落忽橫枝似勝。前句不知文忠何緣棄此而賞彼。

詩話

王直方又愛和靜云。池水倒窺踠影動。屋簷斜入一枝低。以謂此句與前所稱與可處伯仲之間。余觀此句略無佳處。直方何爲喜之。直所謂一解不如一解。新溪漁隱

評荆公東坡詩

凡詠梅多詠白而荆公詩獨云。鬚撲黃金危欲墮。鞦團紅蠟巧能粧。不惟造語巧麗。可謂能道人不到處矣。又東坡詠梅一句。

梅詩見志

王文正公曾嘗賦梅花詩云。事中未論和羹事。且向百花頭上。開大魁相業。已卜於此詩言。豈宜不信然。

梨花詩

東坡詞云。高情已逐曉雲盡。不與梨花同夢後。見王昌齡梅詩云。落落寘冥路不分。夢中喚作梨花雲。方知坡引用此詩也。

律詩以下係紅梅

紅梅

怕愁貪睡獨開遲。自恐冰容不入時。故作小紅桃杏色。尚餘孤瘦重霜姿。寒心未肯隨春態。酒量無端上玉肌。詩老不知梅格。

蘇子瞻

在更看綠葉與青枝

東坡云石曼卿紅梅詩云認桃無綠葉辨杏有青枝此至
臚淺村學堂中語也

詩話

紅梅下婦人

蜀州有紅梅數本郡侯建閣局鑰游人莫得見一日有兩婦人高髻大袖凭欄語笑郡侯啓鑰閣不見入唯東壁有詩曰南枝向暖北枝寒一種春風有兩般憑仗高樓莫吹笛大家留取倚欄干撫遺

古詩以下係蠟梅

戲詠臚梅

黃魯直

金吾領春寒惱人香未展雖無桃李顏風味極不淺
然薰山麝膚色染薔薇露披拂不滿襟時有暗香度

蠟梅四絕

陳去非

花房小如許銅切黃金峯中有萬斛香與君細細輸
來從底處所薰露滿衣濕緣愁翻得憐亭亭倚風立
隋煬帝御女袁寶兒駛治多愁態帝謂虞世基試嘲之世
基詩曰綠愁却得君主意常把花枝傍輦行南部烟花記

奕奕金仙面。排行立曉晴。慙憇夜來雪。少住作珠瓊。

陳無已

寒裏一枝春。白間千點黃。道人不好色。行處若爲香。

色輕花更黃，體弱香自永。玉質金作裳，山明風弄影。

蠟梅二首贈趙景貺

蘇子瞻

天公點酥作梅花，此有蠟梅禪老家。蜜蜂採花作黃蠟，取蠟爲花亦此物。天公變化誰得知？我亦兒嬉作小詩。君不見萬松嶺上黃千葉，玉葉檀心兩奇絕。醉中不覺渡千山，夜聞梅者失醉眠。歸來却夢尋花去，夢裏花仙覓奇句。此間風物屬詩人，我老不飲當君。君行適吳我適越，笑指西湖作衣鉢。

次韻蘇公蠟梅

陳無已

化人巧作細樣花，何年落于空主家。羽衣霓袖涴香蠟，從此人間識尤物。青瑣朱郎却未知，天公下取仙翁詩。烏丸雞趾寫玉葉，却恠寒花珠清絕。北風驅雪度關山，把燭看花夜不眠。明朝

許成公亦去，長使詩仙謌佳句。湖山信美更須入，已覺西湖屬此君。坐想明年吳與越，行酒賦詩聽擊鉢。

蠟梅

陳去非

智瓊額黃且勿誇，回頭視此風前葩。家家融蠟作杏蒂，歲歲逢梅是蠟花。世間真僞非兩法，映日細看真是蠟。我今嚼蠟已甘腴，况此有韻蠟不如。只愁繁香欺定力，薰我欲醉須人扶。不辭花前醉經月，是酒是香君試別。

律詩

蠟梅

楊廷秀

栗玉圓雕蓄金鍾，細著行來從真蠟國。自號小薰香，又吹撩寒馥。晨曦透暖光，南枝本同姓。喚我作它楊，

從張仲謀乙蠟梅

黃魯直

聞君寺後野花發，香蜜染成官樣黃。
不疑折來遮老眼，欲知春色到池塘。

謝王立之送蠟梅

未教落素混_汝水池，且看輕黃綴雪衣。
越使可因千里致，春風元自未曾知。

又

恐是酴醿染得黃。月中清露滴來香。
定知何遜韋詩興，借與穿簾一點光。

蠟梅

楊廷秀

蜜蜂底物是生涯。花作餌，糧蠟作家歲晚略無花可採，却將香

桂花

蠟吐成花

羣書要語：梗木桂樹，一名木犀。葉似枇杷而小，花淡白，其淡紅者謂之丹桂。黃花者能著子叢生，嚴嶺間枝葉冬夏常青。余力小雅桂樹芬香。本草有蘭桂花、白藥黃香木也。楚辭桂樹叢生，分山之幽。偃蹇連蜷，分枝相樞。淮南子山招隱全篇見隱逸門。南州之炎德，夸麗桂樹之冬。楚辭遠遊。

詩句：南州實炎德，桂樹凌寒山。靈運桂子月中落，天香雲外飄。朱之問詩見佛寺離披得幽桂芳，本欣盈握。柳子厚秋風生桂門枝，沈休文賞月延秋桂。杜山頭老桂吹古香。李賀清香一日來

天闕世上龍涎不敢香

鄧志宋

古令事實

桂林一枝

晉郤詵對武帝曰臣對策爲天下第一猶桂林一枝

丹桂五枝見及第門

吳剛斫桂見月門

古今文集

古詩

問答

問春桂桃李正芳華年光隨處滿何事獨無花

春桂答春華詎能久風霜搖落時獨秀君知否

唐王績

詠桂

李白

園花笑芳草池草艷春色猶不如槿花嬪娟玉增側芳榮何天下零落在瞬息豈若瓊樹枝終歲正翕絕

世人種桃李多在金張門攀折爭捷徑及此春風暄一朝天霜下桀驥難久存安知南山桂綠葉垂芳根青陰亦可託何惜樹

君園

謝人寄雙桂

歐陽永叔

百客賞芳叢移根自幽谷爲懷山中趣愛此巖下綠曉露秋暉浮清陰藥欄曲更待繁華白邀君弄芳馥

木犀古風

劉彥冲

化土吝幽香斑被花木氤氳寒巖桂高韻蓋羣馥無人盡日

事文類聚後集

卷之二十八

十六

德壽堂

芳守志，何幽獨。士外耻，求知女貞慙。自齋淒涼楚山秋，樛枝吐
金粟。淺水映輕明，微颺發金聲。樓端靜忽聞，馬上遙相逐。踟蹰
爲延佇，但見林巒綠。鋗鋟誰折贈，清芬閑蘆屋。文處不自知，乍
至稱鬱客。悲芳歲暮，夢繞寒溪曲。長吟小山詞，古意恐難復。

律詩

桂

李嶠

未植銀宮裏，寧移玉殿幽。枝生無限月，花滿自然秋。
俠客條爲馬，仙人葉作舟。願君期道術，攀折可淹留。

山中桂

于武陵

日暖上山路，鳥啼知已春。忽逢幽隱樹，如見獨醒人。
石冷開常晚，風多落已頻。樵夫應不識，歲久伐爲薪。

月中桂

見月門

朱元晦

山中綠玉樹，瀟洒向秋深。小閣分微度，書帷氣欲侵。
披懷清露繞，遇賞夕嵐陰。珍重王孫意，天涯淚滿襟。

詠木犀

謝無逸

白雪凝酥點嫩黃，薔薇清露染衣裳。西風掃盡狂蜂蝶，獨伴天
邊桂子香。

輕薄西風未辨霜，夜採黃雪作秋光。吹殘六出猶餘四，似天
花更著香。

賦木犀次韻呈奇父

陳去非

國香薰，先生醉。秋葉藏花，客子迷。驅使晚風同，勝地東軒不

用鎮帷犀。

凝靈堂木犀

楊廷秀

雪花四出剪鶯黃，
金粟千枝簇露囊。
看來看去能幾大，
如何著得許多香？

夢騎白鳳上青空，徑度銀河八月宮。
身在廣寒香世界，覺來簾外木犀風。

只道秋花艷未強，此花儘更有商量。
乘風染得千紅紫，曾有西風半點香。

八月十七日天竺送桂花分贈元素

蘇子瞻

月缺霜濃細葉乾，此花元屬桂堂仙。
驚子落驚前夜蟾窟枝

空記昔年破衲山僧冷歎介練裙溪女闌清妍願公採掇紉幽佩莫遺孤芳老澗邊

嚴桂 刘彥冲

涼颸振遠林寂寞度清芬山路不知處月寥時夜聞孤根抱塞石落子半飄雲袖手空延仰無才可賦君

新編古今事文類聚後集卷之二十八

終

事文類聚後集

卷之二十八

十九終

惠善堂辛

新編古今事文類聚後集卷之二十九

建安

祝 穆

和父

編

金陵

唐富春

子和

梓

花卉部

蘭花

羣書要語蘭香草也。說文楚人曰蕙者今零陵香是也。聞見錄婦人或賜之蘭茝則受獻諸舅姑禮記同心之言其臭如蘭易芝蘭生於深林不以無人而不芳君子修道立德不爲困窮而改節家語與善人居如入芝蘭之室久而知其芳家語予旣藝蘭之九畹又樹蕙之百畝離騷紉秋蘭以爲佩上同秋蘭兮靡事文類聚後集

蕪羅生兮堂下綠葉兮素枝芳菲襲亭太司命蘭若蒸兮蘭精
九歌阮有芷兮澧有蘭湘君蘭芷變而不芳兮荃蕙化而爲等
何昔日之芳也離騷光風轉蕙汎崇蘭些注光風雨止日出而
風草木有光也轉搖也汎汎搖動貌崇高也布魂蘭以秋芳選
稟國香於自然顏師古賦

詩句清露被蘭臯阮嗣宗猗蘭奕葉光杜風蘭舞齒香孟遲

古今事實

夢蘭見證子門

浴蘭見上古門

作猗蘭

猗蘭操者孔子所作也孔子聘諸侯莫能自任自衛反魯隱谷

之中見香蘭獨茂喟然嘆曰夫蘭當爲王者香今乃獨茂與衆
草爲伍乃止車授琴鼓之自傷不逢時訖辭於蘭五琴操
芝生瑣見子姁門

古今文集

雜著

植蘭說

或種蘭荃鄙不遙茂法圃師及穢以溉而蘭淹荃繁非類乎衆
卉苗旣驟猝根亦旋腐噫貞哉蘭荃歟遲發舒守其天和雖瘠
而茂也假雜壤亂其天真雖沃而斃也守貞介而擇祿者其蘭
荃乎樂淫亂而偷在者其雜卉乎受葬之偽爵者孰若襲勝之
不仕耶食迹之僭祿者孰若晉寧之不仕耶嗚呼業圃者以穢

爲王而後見襲管之正

脩水記

蘭似君子蕙似士大夫大槩山林十蕙而一蘭也離騷曰既滋蘭之九畹又植蕙之百畝則知楚人賤蕙而貴蘭矣蘭蕙叢生時以沙石則茂沃之以湯茗則芳是所同也至其一幹一花而香有餘者蘭也一幹五七花而香不足者蕙也余居保安僧舍閑牖於東西西養蕙而東養蘭觀者必問其故故者其說

古詩

題楊次公春蘭

蘓子瞻

春蘭如美人不採羞自獻時聞風露香蓬艾深不見丹青寫真色欲補離騷傳對之如靈均冠佩不敢撫

題楊次公蕙

蘓子瞻

蕙本蘭之族依然臭味同曾爲水仙佩相識楚詞中幻色雖非實有香亦竟空云何起微馥鼻觀已先通

秋蘭已悴以其根歸學古

朱元晦

秋至百草晦寂寞寒露蘭臯一以悴無穢不能治端居念離索無以遺所思願言託孤根歲晏以爲期

律詩

蘭花

楊廷秀

雪徑偷開淺碧花米根亂吐小紅芽生無桃李春風面名在山林處士家政坐國香到朝市不容霜節老雲霞江籬蕙圃非吾耦付與驥人定等差

菊花

群書要語 菊一名日精

本草注

菊治癆也

爾雅

馬

龍

爲紫菊

瞿

麥

爲小菊

鳥

啄

苗

爲鴛鴦菊

旋覆花

爲丈菊

爾雅

季秋

鞠

有黃

華

月令

既低

其枝

又弱

其幹

君子佩服

攸宜

篇

朝飲

木蘭之墜露

夕餐

秋菊落英

離騷

三徑就荒

松菊猶存

陶

詩句

采菊東籬

悠然見南山

陶

秋菊有佳色

選

寒花發黃彩

辭

選繁繁

黃金花

杜

鮮鮮霜中菊

既晚何用好

白

古今事實

登高飲菊

摘菊盈把

賜

菊

延壽

並見重陽門

菊水能壽

南陽郡鄧縣有甘谷水甘美云其山上有大菊落水從山下流得其滋液谷中有三千餘家不復穿井仰飲此水上壽百二三十年亦七八十

應邵風俗通

古今文集

雜著

菊譜叙

劉蒙

草木之有花浮冶而易壞凡天下輕脆難久之物者皆以花比之宜非人達士堅操篤行之所好也然余嘗觀屈原之爲文香草龍鳳以比忠正而菊與菌桂荃蕙蘭芷江籬同爲所取又

松者天下歲寒堅正之木也而陶淵明乃以松名配菊連詰而稱之夫屈原淵明實皆正人達堅操篤行之流至於菊猶貴重之如此是菊雖以花爲名固與浮冶易瓊之物不可同年而語也且菊有異於物者凡花者以春盛實者以秋成其根柢枝葉無物不然而菊獨以秋花悅茂於風霜搖落之時此其得時者異也有花葉者花未必可食而康風子乃以食菊仙又本草云以九月取花久服輕身柰老其花異也花可食者根葉未必可食而陸龜蒙云春苗恣肥得以採擷供左右杯接又本草云以正月取根此其根葉異也夫以一草之微自未至本無非可食有功於人者加以花色香態纖妙閑雅可爲丘壑燕靜之娛然則古人取其香以比德而配之以歲寒之操夫豈偶然而已哉

洛陽之風俗大抵好花菊品之類比他州爲盛劉元孫伯紹者隱君伊水之灘華諸菊而植之朝夕嘯咏乎其側蓋有意譜之而未暇也崇寧甲申九月余得遊龍門之游至君居坐於詩味堂上顧玩而樂之於是相與評論訪其居之未嘗有者因次第焉夫牡丹荔枝香華茶竹硯墨之類有名數者前人皆譜錄今菊品之盛至於三十餘種可以類聚而記之故隨其名品論叙于左以列諸譜之次

龍腦

一名小銀臺葉色類染鬱金而外葉純白

新羅

一名玉梅一名陵菊千葉純白長短相次

都勝

鵝黃千葉葉厚有雙紋

御愛

一名笑齋淡黃千葉葉有雙紋

王慈

白花葉中小葉如剪葉

王金

純白子葉中有細金

金萬鈴

正黃色而葉有鐸形

大金鈴

花五出如鐸金之形

銀臺

深黃葉五出下有雙紋自葉承之

棟榮

深黃葉雙紋多葉

蜂鈴

千葉深黃中有鈴葉

鵝毛

淡黃纖細如毛生於花萼上

秋金鈴

深黃重葉鈴萼有如蜂鈴狀

金錢

深黃雙紋重葉

鄧州黃

單葉雙紋

蕃薇

深黃單葉

黃一色

鵝黃雙紋多葉

酴醿

純白千葉

玉盆

多葉黃心而下有潤大白葉承之

鄧州白

與葉雙紋白花中鈴萼

白菊

單葉白花

銀盆

金葉之下別有雙紋白葉

順聖淺紫

一花不過六七葉每葉盤疊三四葉此華最

夏萬鈴

開以五月紫色細鈴千葉淺紫

秋萬鈴

千葉紫華葉尖

練毬

千葉紫花葉卷爲筒

荔枝

千葉其細如茸

垂絲粉紅

千葉深淡紅千葉

楊妃

粉紅千葉

合蟬

粉紅筒葉

紅二色

千葉深淡紅二色

桃華

粉紅單葉中有黃葉

專論甘菊

余切謂古菊未有瓊糞如今者而陶淵明張景陽謝布遡潘安

仁等或愛其香或詠其色或採之於東籬或浸之於酒盤疑皆
今之丑菊也

叙遺

王觀

余聞有麝香菊者黃華千葉以香得名有錦菊者粉紅碎花以色得名有孩兒菊者粉紅青萼以形得名有金絲菊者紫花黃心以葉得名嘗訪於好事者亦未之見也

菊譜序

范至能

山林好事者或以菊比君子其說以謂歲華婉草木變衰乃獨憐然香發傲睨風霜此幽人逸士之操雖寂寥荒寒而味道之腴不改其樂者也神農書以菊爲養性上藥能輕身延年南陽人飲其潭水皆壽百歲使夫入者有欲爲當年醫國臣民亦

猶是而已。菊於君子之道，誠有臭味哉？月令以動植志氣候，如桃桐華，宜云始華至菊獨曰鞠。有薰華蓋以其正色獨立不伍衆草，變詞而言之，歟故名勝之士，未有不愛菊者。至陶淵明尤甚愛之，而菊名益重。又其花時，秋暑始退，歲事既登，天氣高明，人情舒閒，騷人飲流亦以菊爲時花，移檻列斛，登致觴詠，間謂之重九節物。此非深知菊者，要亦不可謂不愛菊也。愛者既多，種者日廣。吳下老圃，同春苗不許時，掇去其顛數日，則収出兩枝，又掇之，每掇益岐。至秋則一幹所出，數千百朵，婆娑團欖，如草蓋重籠矣。人力勤土，又膏沃花亦為之屢變頃見東陽人家，菊圖多至七十種。淳熙丙午，范村所殖，正得二十六種，悉謂之譜。之明年，游益訪求它品，爲後譜云。

黃	勝金黃	疊金黃	棣棠菊	疊羅黃	麝香黃
	太貞黃	秀絲菊	千葉小金黃		鶯鶯菊
金	金鈴菊	綵子菊	單葉小金錢		夏小金鈴
十	十樣菊	甘菊		野菊	
白	五月菊	金杯玉盤	喜容千葉		御衣黃千葉
	萬鈴菊	蓮華菊	芙蓉菊	茉莉菊	木香菊
酴	酴醿菊	父葉菊	白麝香	白荔枝	銀杏菊
波	波斯菊	<small>一枝只一葩，倒垂如綠髮之簪。</small>		佛頂菊	
	桃花菊	燕脂菊	紫菊	<small>一名孩兒</small>	

後序

范至能

菊有黃白二種，而以黃爲正。人於牡丹獨曰華，而不名好事者。

於菊亦但曰黃華皆所以珍異之故余譜先黃而後白陶隱居謂菊有二種一種藍紫氣香味甘葉嫩可食花微小者爲真其青莖細葉作蒿艾氣味苦花大名菩慧非真也今具下惟甘菊一種可食花細碎品不甚高餘味皆苦白花亦甚華亦大隱居論蓋既不以此爲真後復云白菊治風眩陳藏器之說亦然靈寶方及抱朴子丹洪又悉用白菊蓋與前說相抵牾今詳此唯甘菊一種可食亦入藥餌餘黃白二花雖不可食皆可入菜而治頭風則尚白者此論堅定無疑併著于後

菊譜序

史正志

菊草屬也以黃爲正所以累稱黃花漢俗九月飲菊以祓除不祥蓋九月律中無射而數九俗尚九月而用時之草也南陽郡

縣有菊瀘飲其水者皆壽神仙傳有康生服其花而成仙菊有黃華北方用以準節令太略黃花開時節候不差江南地暖百卉造作無時而菊獨不然攷其理菊惟介烈高潔不與百卉同其盛衰必待霜降草木黃落而花始開嶺南冬至始有微霜故也本草一名日精一名周盈一名傳延生所宜晝者苗可以菜花可以茶囊可以枕釀可以飲所以高人隱士籬落畦圃之間不可一日無此花也陶淵明植於三徑采於東籬晨露掇英汎以忘憂鍾會賦以五美謂圓華高懸筆天極也純黃不雜后土色也早植晚發君子德也冒霜吐穎象直勁也杯中体輕神仙食也其爲所重如此然品類有數十種而白菊一二年多有變黃者余在二水植白菊百餘株次年盡變爲黃花今以色之兼

白及雜色品類可見於吳門者一十有七種大小顏色殊異而不同自昔好事者爲牡丹芍藥海棠竹筍作譜記者多矣獨菊華未有爲之譜者殆亦菊花之缺文也歟余姑以所見爲之若夫耳目之未接品類之未備更俟博雅君子與我同志者續之今以所見具列于後

黃	大金黃	小金黃	佛頭菊	小佛頭菊	金整菊
	金鈴菊	金錢菊	深色御袍黃		毬子黃
白	棣棠黃	甘菊			
	金盞銀臺		纏枝菊	王盤菊	深色御袍黃
			單心菊	樓子頭佛	野菊
			腦子菊	茶靡菊	萬鈴菊
					添色喜容

雜色 十樣菊 桃花菊 芙蓉菊 孩兒菊 夏月佛頂菊

後序

史正志

菊之開也既黃白深淺之不同而花有落者有不落者蓋花瓣結蒂者不落盛開之後淺黃者轉白而白色者漸轉紅枯于枝上花瓣扶疎者多落盛開之後漸覺離披遇風雨撼之則飄散滿地矣王介甫殘菊詩云黃昏風雨打園林殘菊飄零滿地金歐陽永叔見之戲介甫曰秋花不比春華落爲報詩人子細看介甫聞之笑曰歐陽九不學之過也豈不見楚辭云夕發秋菊之落英東坡歐公之門人也其詩亦有欲伴驛人賦落英與夫却繞東籬嗅落英亦用楚詞語耳王彥賓言古人之言有不必盡循者如楚辭言秋菊落英之語謂詩人多識草木之名蓋爲

是也歐王二公文章擅一世而左右佩劍彼此相笑豈非於草木之名猶有未盡識之而不知者落不落者耶王彥賓之徒又從而爲之贅既蓋益遠矣若夫可餐者乃菊之初開芳馨之可愛耳若夫衰謝而後落英豈復有可餐之味楚辭之過乃在於此或云詩之訪落以落訓始也意落英之落蓋謂始開之華耳然則介甫之引證殆亦未之思歟或者之說不爲無據余學爲老圃而頗識草木因併書于菊譜之後淳熙乙未閏九月望日吳門老圃叙

古詩

菊

騷人足竒思香草比君子况此霜下傑清芬絕蘭蕙氣稟金行

蘓明允

秀德備黃中美古來鶴髮翁餐英飲其水但恐蓬蒿傷課僕加料理

贈朱遜之

蘇子瞻

遜之云菊當以黃爲正

黃華候秋節遠自夏小正坤裳有正色鞠衣亦令名周官后妃之服一從入僞勝遂與天力爭易性寓非族改顏隨所令新奇旣易售粹駁定相領疾惡逢伯厚識真似淵明君言我所印世論誰政評願君爲霜風一歸紫與頑

甘菊華

蘇子瞻

趨山春始寒霜菊晚愈好朝來出細葉稍覺芳歲老孤根墮喬松獨秀無衆草晨光雖照耀秋雨半摧倒先生臥不出薰藥紛

一婦無人送酒壺，空腸爵珠寶。香風入牙頰，楚此發天藻。新英蔚已滿宿根寒，不稿揚揚弄芳蝶。生死何足道，頗訝昌黎公恨雨生不早。

律詩

菊

劉彥冲

青叢馥郁早抽芽，金葉爛班晚著花。秋意祇應宜淡泊，化工可是惜鉛華。輕烟細雨重陽節，曲檻疏籬五柳家。暮醉朝吟供採摘，更憐寒蝶共生涯。

菊

羅隱

籬落歲云暮，數枝聊自芳。雪裁新葉密，金拆小苞香。千載白衣酒，一生青女霜。春叢莫輕薄，彼此有行藏。

和令狐相公玩白菊

劉禹錫

家家菊盡黃，梁國獨如霜。瑩澤真琪樹，分明對玉堂。仙人披雪氅，素女不紅粧。粉蝶來難覓，見麻衣拂更香。面風搖羽扇，含露滴瓊漿。高艷遞銀井，繁枝覆象牀。桂叢慙並發，梅萼不如芳。一入瑤華詠，從茲播樂章。

黃菊

楊廷秀

鶯樣紅裳錢樣裁，冷霜涼露減秋埃。比他紅紫開差晚，時節來時畢竟開。

詩話

晚節自况

韓魏公在北門九日燕諸僚佐，有詩云：不差老圃秋容淡，且看

寒晚節香識者知其晚節之高

李彥平錄

詩氣味長

鄭谷十日菊詩云，節去蜂愁蝶不知，曉庭還繞折殘枝，自緣今日人心別，未必秋香一夜衰。此意甚佳，而病在氣不長。西漢文章雄深雅健，其氣長。故也。曾子固曰：詩當使人一覽語盡而意有餘。乃古人用心處。故荊公菊詩曰：千花萬卉凋零後，始見閑人把一枝。

枸杞

群書要語：枸杞千歲，其形如天。

道書

枸杞久服，輕身不老，一名

仙人杖

本草

枸杞變白明目。

茶性論

詩句：新芽摘杞叢。坡不知靈藥根成狗，恠得時聞夜吠聲。

古今事實

逐犬入枸杞

朱孺子幼事道士王元正，居大若岩。一日汲于溪，見一華犬，因逐之入于枸杞叢下。掘之，根形如一天烹而食之，忽覺身輕飛于峰上。雲氣擁之而去。續仙傳

古今文集

雜著

杞菊賦

并序

陸龜蒙

天隨生宅荒少，牆屋多隙地。著圖書所，前後皆樹以杞菊。春苗恣，安得以採擷供左右。杯案及夏五月，枝葉老硬，氣味苦澁，且

事文類聚後集

卷之三十九

十一 德壽堂梓

十二 德壽堂梓

暮猶責兒童輩拾掇不已人或嘆曰子乘之邑非無好事之家日欲擊鮮爲眞以飽君者多矣君獨閉閨不出率空腸貯古聖賢道德言語何自苦如此生笑曰我幾年忍饑誦經豈不知屠沽兒有酒食耶退而作杞菊賦以自廣云

惟杞與菊偕寒互綠或穎或苔煙披雨沐我衣敗綿我飯脫粟羞懸齒牙苟且潔肉蔓延駢羅其生實多爾杞未棘爾菊未莎其如予何其如予何

後杞菊賦

蘇子瞻

天隨生自言常食杞菊及夏五月枝葉莖硬氣味苦澁猶食不已因作賦以自廣始余嘗疑之以爲士不遇窮約可也至於饑餓嚼齒草木則過矣而余仕宦十有九年家日益貧衣食之奉

殆不如昔者及移守膠西意迫于飽而齋廚索然不堪其夏日與通守劉君建式循古城廢圃求杞菊食之捫腹而笑然後知天隨之言可信不誤作後杞菊賦以自嘲且解之云吁嗟先生誰使汝坐堂上稱太守前賓客之造請後掾屬之趨走朝衙達午夕坐過西曾益酒之不設攬草木以誑口對案頹廢舉箸噎嘔昔陰將軍設來飯與葱華并丹推去而不嗔惟先生之眷眷豈故山之無有先生聽然而笑曰人生一世如屈伸時何若爲貧何若爲富何若爲美何若爲陋或糠麩而瓠肥或梁肉而里瘦何若方丈庚印三九較豐約於夢寐卒同歸於一枯吾方以祀爲糧以菊爲糗春食苗復食葉秋食花實而冬食根庶幾乎西河南陽之壽

續杞菊賦

張欽夫

張子爲江陵之數月時方中春草木敷榮經行郡圃意有所欣非華柳之是問春杞菊之青青爰命采掇付之庖人汲清泉以細烹屏五味而不親耳晚可口蔚其芬馨蓋日爲之加飯而他物幾不足以前陳飯已捫服得意嘔吟客有問者曰異哉先生之譽此也乎蘇公之在膠西值黨禁之方興嘆齊廚之兼條乃覽乎草木之英今先生當無事之時據方伯之位校吏奔走順指如意廣原延賓毬場享土清酒百壺昇膳俎哉宰夫奏刀各獻其技故無求而弗獲雖醉飽其何忌而乃棄從夫野人之餐豈亦下取乎葑菲不殆得無近於矯激有同於脫粟布被者乎張子應之曰天壤之間熟爲正味厚或腊毒淡乃其至惺唇舌

胎旋取詭異山鮮海錯紛紜莫計苟滋味之或偏在六府而成
餐極口腹之欲初何出於一美惟杞與菊中和所萃謂勁不苦
滑耳靡滯非若他蔬善嘔走水既瞭目而安神復沃頑而滌穢
驗南陽於西河又頹齡之可制此其爲功曷可殫紀况於膏梁
之賈貪賤則廢雋永之求不得則恚茲隨寓之必有雖約居而
足恃殆將與之終身又可貽夫同志子獨不見吾納湖之陰乎
雪銷壤肥其茸萎蕤與子婆娑薄言掇之石跳瓦盆啜汁咀霍
高論唐虞詠歌書詩嗟乎微斯物孰同先生之歸於是相屬而
歌殆日晏以忘饑

古詩

枸杞

蘇子瞻

神藥不自謾。羅生滿山澤。且有牛羊憂。歲有野火厄。越俗不好事。過眼等。次棘青。美春自長絳。珠爛莫摘短籬護。新植紫爭生。臥節根莖與華實。收拾無棄物。大將去吾鬚。小則餉我客。似聞朱明洞中。有千歲質靈龐。或夜吠可覓。不可索。仙人可許我。借秋扶衰疾。

題張以道寒綠軒

楊延秀

菊芽伏土。糁青粟。杞筆傍根埋紫玉。雷聲丁夜雨。一朝森然逆出。如蕨苗。先生飢腸詩作梗。小摘珍芳汲水井。風爐燭眼候松聲。早催親。榜微帶生爛。炊凋胡淅青精筆。以天隨寒綠萌。飢時作糲。仍作羹。飽後龍鳳同庖烹。太官蒸羊厭花片。宰夫肺踏別瓊軟。豹胎熬出。禍胎來。貴人有眼何。曾見天隨尚有愁。作魔愁。

杞作棘菊。作莎。君不見黃金錢照紅玉豆。秋高更覺風味多。先生釀茶。未煉紅玉。自莎自棘如夢。何金空玉盡。苗復出。翠苗。翠花并。喫實。天隨白眼屠沽兒。不道有人頭上立。

井上枸杞架

孟郊

深鑽銀泉甃。高葉架雲空。不與凡木並。自將仙蓋同。影疎千點日。聲細萬條風。逆子隣溝外。飄香客位中。花盆承此飲。椿歲小無窮。味還知一句。可延齡。

楚枸杞

楚州開元寺枸杞
臨井繁茂可以食

劉禹錫

僧房茶樹依寒井。井有香泉樹有靈。翠葉生籠石。瑩殷紅子熟。照銅瓶枝繁本是仙人杖。根差新成瑞犬形。上品功能甘露味。還知一句可延齡。

嘗枸杞

楊廷秀

竹花松答錢春忙夜吠仙苗蠶晚嘗味抱土膏耳復脆氣含風
露曉猶香作蟬淡著微施醜筆客臨時莫過湯却憶荆溪古城
上翠條紅乳摘盈箱

早稻田大学図書館

011488505701